

粵雅堂叢書

粵雅堂叢書

沙河逸老小稿卷五

祁門 馬曰琯 秋玉

壬申山館上元聯句

山館留賓作上元

馬曰琯

東風當戶月當軒

張世進

光搖積雪

晴逾豔

方士憲

影亂華燈夜轉溫

馬曰琯

到手觥船如下埭

陳章

同聲詩句抵吹塤

閔華

流連不怕金吾禁

陸鍾輝

高會何

妨一笑喧

樓鐫

雨宿江口

夜雨響初程漁火空濛處一宿掩篷窗夢逐春潮去

遊慧山三首

峯落芙蓉湖湖光漾晴晝閒房識老禪引我入巖竇笑
指石罅梅此是百年舊且復領清機茶香驗火候

入寺聽松風出寺飲泉水飲水尋其源微風泛花蕊石
磴暫黃緣跬步九龍尾遙望殿前松謾謾下松子

名園半倚山但以水木勝雲樹翳春池風泉走苔徑當
年愚公谷可得與此并石欄映清波欲去還小凭

春日重過明瑟園

秋日曾停棹春風又款扉苔深新鶴柴花滿舊漁磯寒

色生晴晝流光戀夕暉主人幽興足詩思入希微

過橋看野竹山影媚清漣鐘磬上方落烟霞一壑專昔

遊渾似夢

二友東皋達夫諸前輩暨同觴詠於此者半已下世

重到更何年有酒

頻斟酌東廊月上弦

虎邱上巳

泊船吳會天氣新桃花李花明暮春真孃墓上羅襪集
短簿祠前翠管陳老來生怕年光促蘸筆先成鬪草曲
澹香樓外捲春波驪醉還須夜秉燭

晚步劒池

紛囂晝不息晚向池上行星漢耿夜光林木沈精英勝
境此時見悄然怡我情

支硎山

結念爲看山落手甯宵緩支公放鶴處空亭白雲滿
湔漿扣松關碧琳上翠巘房房聞竹聲步步擣泉眼寒冰
濺以流飛珠跳而遠當年偕隱人玉雪愛小宛隨意踏
蒼崖泠泠晚風善貪遊不知疲莫謂入山淺

華山

灑窗聞曙雨出戶明朝暎減衣復添衣筍輿穿雲根鳥

道松翠古蟲篆苔花昏欣逢玉版師如與靜者言棧險
滑積蘚徑窄驚詩魂我本茹芝人汨沒塵土顏躋攀得
丹梯恍已還舊觀明發試身輕再上西峯顛

靈巖山

枕畔來微鐘烟中露孤塢蜿蜒上琴臺筋力尙不乏楓
枯旣蔽虧禽鳥亦互答天影落短筇浩浩咸池接下覓
蘄王碑功業載簡牒餘興往堯峯斜陽路幾摺雲彩成
異觀近與竹翠合飲我山澗泉泉香勝艾蒨

鄧尉山

沙汀遺老八和卷五 三
梅開惜未遇想見吹香時李花留待我依然晴雪枝上
山雲不斷一湖天四垂娟峯插湖面銀濤翻清暉回憩
贊公房望見孤帆飛指示四部經細字如游絲祇以地
名勝寫供人天師遠岫林月上近坂墟烟迷歸來養腰
腳將與靈威期

有明人寫四部
經作浮圖狀

天平山六絕句

水石間

水底菖蒲根石上莓苔迹啓戶寂無人自與春風隔

白雲泉

澄泓一片雲山僧掃葉煮小坐看茶烟松陰已亭午

雲磴

鑿開一線天梯空人直上安得雲中君乞取九節杖

蓮花洞

蓮花在峯頂終古開一瓣我昔住此中曾飽紅蓮飯

削劍崖

陰崖藏積鐵倚空鋒不挫隙日射冷光時有飛鳥墮

石屋

石屋不漏天仙鼠撲四壁疑有癡龍居半面石乳滴

天池

廢院石橋東枯僧半已癯
藤蘿牽佛屋蘋藻閼蛟宮
水黑晴飛雨山深晚作風
筍輿穿竹過寒翠夕陽中

石壁

選勝上石壁凌虛飛鳥低
湖光浴雲日山色界東西
目眩憑清茗神寒仗短藜
嘯歌餘興滿點筆更留題

過澗上草堂

徐昭法先生故居

先生居澗上死與世相忘
剩有三閒屋而無一瓣香
清名造物忌文集幾人藏
只此潺潺水終年護草堂

留別明瑟園三首

三石橋邊一葉舟
竹煙蘿雨淡於秋
誰人得似天隨子
留客看山不下樓

池上梨花照水開
暖雲晴雪一堆堆
水風過處香痕瘦
不是閒人不看來

繞廊吟徧月昏黃
藤格丰茸影上牆
惆悵人歸春未去
還餘十日好風光

茶塢以蓴絲見餉卽席賦

年年水驛寄香蕖
方法傳來已足珍
今日烟波親采摘

五湖風味太撩人

雨中聯句

五更風雨聲激潏陳章勝遊無乃天公慳閔隔竹但聞子

規鳥曰開窗不見靈巖山馬曰焚香把卷坐亦得樓遶

廊倚閣情何閑陸錫老藤作花未爛漫章歸舟且復停

沙灣華

渡太湖聯句

一帆春水五湖天曰飛鳥行雲共渺然陸錫不信望中

還有地馬曰始知閑外更無仙陳章逃名蝦菜容高隱閔

寄迹烟波可判年

樓

鐵笛橫吹歌小海日月明呼酒石

公前

錫

薄暮至石公山

舊遊惟此最風便一帆過旛蓋殿前少枇杷門外多殘
陽下高嶺明月翫澄波只恐湖山笑頻年負薜蘿

石公山放舟至林屋洞小憩神景宮歸途微雨

石公山石誰剗鑄嵌空一線留波痕片帆直溯灣口去
澄湖如鏡天風暄泚泚世界忽籬落祈蠶焙茗仙家邨
捨舟陟磴瑤草秀褰裳窺洞幽宮尊冷氣襲衣未易入

石牀苔井從人論嗟予十載此又到神未必無意存
挹漿敢云脫凡骨茹芝或可清詩魂回策夷猶亦自得
輕烟細雨翻氤氲歸來還傍僧窗坐一片仙雲落石根

遊包山

松老寺門深攜僧更一尋經幢留古跡

門左有唐僧元奘石幢

林

壑散清陰境是金庭接雲從玉座侵誰人來此地還有
出山心

毛公壇

毛公仙去石壇空雙井泉寒葉墮風寂寞松陰人不到

我來笙鶴半山巾

望縹緲峯

縹緲何秀發迴在衆峯上
翠律浩無垠溟濤接萬象
望望百慮消微風理孤榜

明月坡飲酒歌

漱空兮濤痕瑩平兮雲根
風蓬蓬兮翠浪月盈盈兮
漁唱酒一尊兮歌一曲呼
石公兮聲振林木仙乎仙
乎臥瓊島刺船蘆中兮狎
鷗鳥醉復醒兮不知其處
極目蒼茫兮失寒兔

消夏灣送春

昨宵醉語沙頭鷺
明日先生要送春
豔雨奢雲收拾盡
片帆漁艇下空雲

沙上青蘆波上蘋
君王水殿久成塵
風懷萬古空陳迹
一樣斜陽不戀人

洞庭西山懷同社諸君

雲水帶清暉
幽深世所稀
每逢奇絕處
悵與故人違
仙犬吠不數
山花香亦微
擬從詩句裏
攜得翠峯歸

僧房牡丹

野老田園桑柘足仙家樓閣水雲寬扁舟一過都收卻
還許僧窗看牡丹

茶塢雨中招遊石湖

纔卸輕帆別水仙又乘清興向湖天岸花汀草都相似
添得龜蒙放鴨船

經幢斜倚退紅牆烟樹冥濛隱上方記得衡山小橫幅
題詩最愛石橋長

一縷龍涎香霧濃清歌裊裊水雲空笠簷蓑袂橫塘渡
絕勝月明風露中